

卷三

人事志

虞廷以七政授時而庶績雍熙周代以九職任民而閭閻富庶古之人體國經野何嘗不於人事加之意乎今雖世道變遷人心不古而士多可造之材野有可封之俗商鮮習於詐僞工鮮習於淫巧是先王之道猶有存焉者也因志人事

台安縣志

卷三 人事志

一

遼寧作新印刷局印



(一) 種族

縣境僻處邊徼華夷雜處三代以上不可考矣自箕子封於朝鮮始有漢人足跡其後若鮮卑若高麗以及五胡遼金之種類皆雜處於此與漢人無所區別滿清崛起東方編漢人爲漢軍與滿洲蒙古稱爲八旗此外尙有來自西域之回民故本境人民可分四種曰漢滿蒙回

(甲) 漢族

漢族亦曰黃族初起黃河流域後代苗裔奄有中土自黃帝戰敗蚩尤遂爲中華民族之代表漢武帝征伐四夷聲威遠震故四夷之人皆稱中國爲漢族當燕秦之際有衛律者率漢人東奔朝鮮遂有其地及漢武帝滅朝鮮置四郡漢

台 安 縣 志 卷三 人事 種族

二

遼寧作新印刷局印

人之來者益衆雖屢受外夷之侵據不與外夷同化外夷反從而化之可以見漢人之特性矣清初漢人皆編爲兵世祖入關撥內地人民來此開墾聖祖世宗之時山東直隸之民源源而來投旗者仍爲漢軍未投旗者另編民籍與內地各省一律開科取士今統全境人民漢族居十之八九原籍山東直隸居多山西河南間亦有之江南諸省則極寥寥

(乙) 滿族

滿族一曰通古斯族又曰靺鞨族周之盛時肅慎氏供其楛矢即此族也漢爲東胡晉爲鮮卑唐爲渤海宋爲女真即滅宋之金人是也清太祖崛起建州統一諸部建國滿洲號曰後金及太宗平朝鮮降蒙古改號曰清遂以滿洲爲部

族之總稱其散居各地者是爲滿人境內以二三區爲多他區亦間有之然不及漢族十分之一

(丙)蒙古族

蒙古即韃靼族商之鬼方周之獫狁漢之匈奴唐之契丹皆此族也宋之時有蒙兀室韋者居杭愛山之陽蒙兀即蒙古之轉音元太祖崛起漠北兵力直達歐洲爲古今兵力第一元滅後其部族散居大漠南北爲內外蒙古清太宗滅察汗部蒙古諸部皆來附與滿洲同編爲八旗境內蒙古人不多見然間有因其子女與漢人結婚而其父兄隨之遷居者

(丁)回族

台安縣志

卷三 人事 種族

三

遼寧作新印刷局印

回族起於阿剌伯初回回教祖穆罕默得創教於西方自號曰天方國其勢力由中亞細亞漸及天山南路隋文帝時其教始入中國唐明皇時安祿山之亂肅宗徵兵回紇及于闐其王率兵入援遂破祿山唐人以其功許其雜居中土並建設禮拜寺是爲中國回民雜居之始至今陝甘等處回民衆多即此故也其族以不食豬肉菸酒爲戒律子孫遵守極嚴又不與他族結婚然以界限太分不能與他族共操作故生計日蹙惟以屠牛及小負販爲業城內及各鎮皆有之鄉間則寥寥無幾也

(二) 宗教

河出圖洛出書聖人以神道設教以化天下爲宗教之名而有宗教之實自後

世宗教愈多競爭愈烈入者主之出者奴之教與教相爭而有司於以多事矣究之不必爭亦不必禁也佛陀言慈悲道家言感應耶氏倡博愛回教主清真皆所以發愚昧之思想而登之彼岸者也是烏可厚非哉

(甲) 佛教

佛教一名釋教出於印度教祖釋迦牟尼生於我國周靈王時其教以博愛普濟爲宗旨漢明帝時遣蔡愔求佛法於西域得佛經及二僧以還是爲中國有佛教之始遼金元起於北方皆崇拜佛氏滿清入關佛教與儒道並重至其支派喇嘛教信仰尤深縣境有僧寺無喇嘛寺亦無比邱尼僧寺不過數處僧侶不過十餘人而已

台 安 縣 志

卷三 人事 宗教

四

遼寧作新印刷局印

(乙) 道教

道教託始於老子老子周時人姓李名耳字伯陽一字老聃故亦稱老聃爲周柱下史所著有道德經後戰國時有莊周者著南華經其要歸於老子以清淨無爲爲主漢初其教盛行張良願從赤松子遊其八世孫張道陵復以道術相授子孫世守其業號爲真人北方之有道教則自邱真人始真人南宋末人見元太祖於雪山以天道好生不嗜殺人爲諫太祖善之爲建長春宮弟子隨地傳教號爲龍門派清初建太清宮於瀋陽教徒散居四方到處立廟又有伙居道在家畜妻子除誦經禮懺而外別無所事縣境道教無多道廟不過二三處而已

(丙)回教

回教亦名天方教教主穆罕默德阿刺伯人聰明有大志年四十餘創新教曰回回教專拜造物主不信他神其經典曰可蘭經自唐中葉而後始入中國到處皆建禮拜堂曰清真寺屆期教徒咸入寺誦經不許他人往觀喪葬不具棺槨謂之士葬禁食豬肉忌菸酒以宰牛羊爲業縣境回民各鎮皆有之禮拜寺則僅有三處

(丁)天主教

天主教即基督舊教在中國爲天主教教主耶穌基督猶太人生當我國漢哀帝時年三十歲宣傳福音以基督自任基督者救世之義也教旨在博愛教徒

台安縣志

卷三 人事 宗教

五

遼寧省新印刷局印

甚多猶太人惡之控於官吏耶穌遂死於十字架上後數百年其教盛行歐洲各國有羅馬教皇唐太宗時其教始入中國建波斯寺時人目爲景教清聖祖時以南懷仁湯若望佐曆有功許在口岸傳教文宗時英法聯軍入京恭親王與定條約許在內地傳教庚子拳匪之亂各處教堂悉被焚燬尋由國家賠款建設天主教因之復盛其教信上帝闢他神重靈魂斥偶像與耶穌教無異惟神權尊重少平等自由之風教師曰神甫不得畜妻子并有主教會長等名稱台安境內僅有天主教堂一二處其教民亦寥寥無多

(戊)耶穌教

耶穌教即基督新教當十六世紀時日耳曼人馬丁路得反對羅馬教皇專制

乃倡宗教革命別創新教曰耶穌教其教旨沿舊教而脫其桎梏教師得畜妻子一時信者風從而英德諸國信仰尤深在清同治時始入中國其傳至東三省最晚台安惟縣城及西佛牛彖與富家莊有耶穌教堂居民信教者約二三十家

(己)雜教

中國以神道設教鄉曲小民迷信尤深故教門複雜不可殫述惟國家屢加干涉故不可考其得聞而知者有天地教供奉天地有混元門供奉混元老祖有大乘門一炷香大抵供佛祖及南海大士有辦會清爐念經等事其宗旨皆言人生苦難惟燒香念經者可以拔脫水火而登衽席他人則不得與也此等雜教有司愈禁而信者愈多縣境各處皆有之

台安縣志

卷二 人事 農業

六

遼寧作新印刷局印

(三)農業

國以民爲本民以食爲天台邑居遼河下游地勢平坦水患頻仍無山林礦產之豐無水陸交通之利民所賴以爲生活者惟此農業而已茲將農業事項列後

(甲)土宜

縣治附近第一區地平無山河流紛歧東南一帶土質黃壤縣之西北沙城相半穀宜粱豆麥稗棉花木宜榆柳畜宜馬牛羊豕

縣治正北第二區地勢窪下多受水災東濱遼河土質黑墳尙宜五穀柳河之

西地多沙城用以栽樹牧牛者居多穀宜梁豆麥稗木宜楊柳榆畜宜牛馬羊豕

縣境東北第三區地勢平坦生長五穀土質黃黑相間佛鎮左右園蔬暢茂甲於全縣穀宜梁豆麥稗棉花木宜楊柳梨榆畜宜牛馬羊豕

縣境正西第五區地馬廠土質沙城可種者無多穀宜梁豆稗木宜柳榆畜宜牛馬羊豕

(乙)農時

立春 陽曆二月初四初五日陰曆正月節陽氣始動舊制有司詣東郊行迎春禮今廢

台安縣志

卷三人事農業

七

遼寧作新印刷局印

雨水 陽曆二月十九二十日陰曆正月中傭人就工農事始興

驚蟄 陽曆三月初五初六日陰曆二月節天氣漸暖蟄虫始振修農器糞田疇抽贖地畝皆以此日限

春分 陽曆三月二十一日二十二日陰曆二月中日夜均平地初解凍草木萌芽園蔬植蒜

清明 陽曆四月初五初六日又爲植樹節陰曆三月節天氣和暖百草滋生種碗豆及大小麥

穀雨 陽曆四月二十二日陰曆三月中地氣通種早禾舊制是日有司詣先農行耕藉禮今廢

立夏 陽曆五月初六初七日陰曆四月節陽氣方盛種五穀植雜蔬

小滿 陽曆五月二十一二十二日陰曆四月中陽氣發舒五穀方生補種園

蔬

芒種 陽曆六月初六初七日陰曆五月節農家植葱分茄秧耘早田

夏至 陽曆六月二十一二十二日陰曆五月中日長至王瓜生雲豆熟田疇

再耘

小暑 陽曆七月初七初八日陰曆六月節溫風至豌豆熟田疇再耘

大暑 陽曆七月二十三二十四日陰曆六月中天氣炎熱大雨時行小麥拔

蕎麥生蘿蔔出菘芥初種

立秋 陽曆八月初八初九日陰曆七月節涼風起瓜初熟修理樹株

處暑 陽曆八月二十三二十四日陰曆七月中濕氣盛百物霉農人漚麻

白露 陽曆九月初八初九日陰曆八月節白露降農始忙拾棉花割早禾

秋分 陽曆九月二十三二十四日陰曆八月中日夜分百穀熟收穫禾稼

寒露 陽曆十月初八初九日陰曆九月節築場圃納禾稼動用車輛

霜降 陽曆十月二十三二十四日陰曆九月中霜始降百果熟起菜醃蔬

立冬 陽曆十一月初七初八日陰曆十月節風始冷雪始降蔬菜入窖

小雪 陽曆十一月二十二二十三日陰曆十月中水始冰地始凍傭工期滿

農功事竣

大雪 陽曆十二月初七初八日陰曆十一月節冰益壯地益凍道路通輸賣百穀

冬至 陽曆十二月二十二二十三日陰曆十一月中日短至農人伐木作薪小寒 陽曆一月初六初七日陰曆十二月節糴糶五穀買典地畝

大寒 陽曆一月二十二二十三日陰曆十二月中納賦稅清賬目僱人工預備迎歲

(丙)肥料

本縣全境惟遼河壩裡之地受河水淤灌土地肥饒不需肥料其餘均須施肥製肥料之法每於農隙取甸上之草皮與河底之淤泥或用車拉或以人抬與台安縣志 卷三 人事 農業 九 遼寧作新印刷局印人畜之糞摻和均勻積成糞堆推置牆隅俟來春搬運地內每地大分送一百二十堆每堆約二百五十斤共約三萬餘斤又有油籬豆餅等類其價甚昂惟種園蔬多用之

(丁)堤防

台邑爲遼柳兩河流域地勢窪下水患頻仍遼河舊有隄防而堤身低窄不足以防水患故光緒十九年二十一年連年開堤村落爲墟經奉天大僚告急於江南諸省有江蘇義賑局紳董嚴作霖攜帶重貲來奉放賑且訪查致災之由由於遼河之開堤乃捐重款委堤員培高疊厚爲一勞永逸計其壩員有祁成閣廣海張文新劉春煥等今之堤基即嚴紳之所經理也至於柳河上游由

遼中接境者舊有壩身然低小不足以禦水患今監督孫公有鑑於此責成區長村長加力修築有壩者加高培厚無壩者平地築起將見全隄鞏固柳河不足爲患矣

(戊)田制

台邑田制以縱橫五尺爲一弓又曰一方步二百四十弓爲一畝十畝則稱一日或稱一天而本地土人習慣除三園外多按隴計畝每隴以七百二十弓爲一畝每隴寬約一尺七寸三隴合爲一橫弓故以三乘二百四十爲一畝其名雖殊其實則一但隴有廣狹之分究不若縱橫二百四十弓爲公允也

(己)產量

台安縣志

卷二 人事 農業

十

遼寧作新印刷局印

本縣土質不一作物繁多故各種產量亦殊不同茲將縣境所有普通作物之產量分述於左

稷 俗稱高粱本縣所種率屬黑殼每地一日種子約五六升自始種至收穫約需人工二十餘普通收穫市斗三四石秫糶一千一百捆高粱地占全縣十分之五以其爲農人口糧且不畏水也

稗 俗稱稗子性耐澇又不甚畏城故稗子地約占全縣十分之二三每日地種子二三升收穫可得四五石稗草可得千餘斤

粟 俗稱穀子去皮爲梁即小米也每日地種子二三升人工同上普通收穫三四石穀草可得千餘斤性畏水澇除最高之地外幾無種者

小麥 清明前後播種至初伏前後成熟每日地種子一斗七八升收穫時可得一二石爲半季莊稼收穫之後可種蕎麥秋菜亦有於麥地隴凹錫大小豆者小麥既拔豆苗漸長用鋤鏟之亦可收穫二三石

大麥 種法與小麥同但成熟較早且小麥不畏城大麥畏城遼河兩岸河淤之地多種之

黃豆 黃豆分青皮白眉金黃三種本縣種白眉金黃之地極少種青皮之地以遼河兩岸及黃壤之地爲多每日地種子一斗四五升收穫可得三四石
黑豆 亦名合豆其種法產量與青皮豆同而種者甚多柳河流域皆種之與高粱爲每年出口貨之大宗

台安縣志

卷三 人事 農業

十一

遼寧作新印刷局印

烏豆 種法產量與黑豆同而價值每同於青豆稍畏城遼河兩岸多種之者

小豆 農人多在隴畝空隙種之故產量無多

綠豆 亦無成日種者其種法與小豆同

粳子 與南省稻子同每日地種子二斗窪地最宜性畏旱又畏城若三伏雨量不足即不能成熟故種者無多豐稔之年每日地可得四五石

蕎麥 爲半季莊稼無特種者種之不過在麥楂地之缺苗處其產量與麥楂

豆同

大麻 大抵種於田間隙地及棉花地之空故產量少

繸麻 俗名青麻穀雨後播種七月收穫用水漚之每日地可剝麻七八百斤

棉花 穀雨前後播種七月成熟隔五六日採之至九月採完軋去其子以弦彈之每日地去子可得熟棉花二百餘斤

甘藷 蔓生宜沙土地七八月成熟每日地約收穫七八千斤

馬鈴薯 俗稱土豆清明前後下芽有麥秋熟者曰洋土豆有大秋熟者曰本土豆每畝地可收穫七八十斤

甜瓜 種於穀雨前後三伏日熟每日地可種一萬七八千株人工約六七十个每日地可賣洋五六百元又有西瓜打瓜其種法與此稍異而打瓜子銷路最廣

(庚)蔬圃

台安縣志

卷三 人事 農業

十二

遼寧作新印刷局印

蔬圃爲農家副業到處皆有至專以園蔬爲業者則城鎮居多本縣尤以西佛牛彖新開河爲最盛常種之蔬以葱韭菠芹茄蘿蔔白菜爲大宗芥蒜匏瓜等次之種蔬肥料多於種穀十倍人工灌溉亦多十倍每畝地約賣洋二三百元諺云一畝園十畝田信不誣也

(辛)果園

果園亦農家生產之業台安果園無成片成林者或於庭畔植三兩株或於園圃植四五株以爲玩賞之物至以果木爲業者則通縣皆無全境無山且土性多城所產果品色味俱劣不能行銷遠處中秋節爲水果盛行之時其白梨蘋果花紅大棗多運自北鎮本地所產不能足本地之用其常有者不過葡萄棗

梨杏桃數種而已

(壬) 林業

本地無深山密林所用材木多購至遼瀋諸城土人所養者楊柳榆三種而已三者之中以柳樹為最多遼河大堤之上往往而是然不能成林隔三五年伐之以供修堤之用縣境苦於水澇居民家宅之旁及園圃之四圍多栽柳以禦水冲近有於不保課賦之地成片栽種者亦不能成大器不過為柴薪之用故林業無足觀云

(癸) 畜牧

台邑為農業之國富室多以騾馬耕田貧戶則以驢牛縣之西境一片荒場不生五穀土人多養散牛一可滋生錢財一可藉造肥料養豕之利不及養牛而家家養之至羊惟城鎮回民畜之然城鎮草場日見開闢羊亦無放場矣

(四) 工商業

本境商業夙稱繁盛舟車之所轉輸糧儲之所畜積亦不亞於他邑也惟自拳匪肇亂盜賊四起加之以水旱因之以饑饉而工商之業遂以蕭條矣茲將工商之業調查於左

(甲) 商業一覽表

糧	棧	行號		縣	城	新開河	西佛牛	桑林子	富家莊	黃沙坨	總	計
		號	鎮									
三	三											六

		行號											鎮別					
		號數											別					
泥瓦棹	豆腐房	機房	熟鐵爐	成衣鋪	炮鋪	皮鋪	油房	修理鐘表鋪	台安縣志	醬園	粉房	刻字鋪	鑄爐	帽鋪	銀匠鋪	染房	燒鍋	縣城
二	三		三	四	一	二	一	二	卷三人事工商業	三		四			二	三		新開河
				一								一			一	九	一	西佛牛彖桑林子富家莊黃沙坨
二	一二	一五	四	五		五	三		十五	二	四				五	四		總計
			三										一		一	一		
	一		一			一									一	一		
	二	一	二			一					一	一			一	二		
四	一八	一六	一三	一〇	一	九	四	二	遼寧作新印刷局印	五	五	六	一		一〇	一九	一	

表畫鋪	一	一					二
木鋪	二	一	四	一〇	一	二	二〇
錫鋪	三		四				七
鞋鋪	二		三				五
羅圈鋪	一						一
印刷局	四	一					五
紙紮鋪	三		四				七
照像館							
鼓樂房	四		七				一一
台安縣志							
卷三人事工商業							
十六							
遼寧作新印刷局印							
理髮所	三	二	三	一	一	一	一〇
總計	五三	一八	八六	一三	八	一四	一九二

(丙)幣制

台安幣制向來以現銀為主幣銅錢爲輔幣甲午善後國家改造銀圓輔以銅元每圓作市價六吊或六吊六不等每銅元十枚作小洋一角然時因銅元之多寡而有漲落民國成立紙幣盛行銀圓日以見少本境流行之紙幣有東三省官銀號及奉天交中兩銀行之銀元票又有奉天公濟平市之銅枚票以便零用近因交易純以現洋爲本位奉省令凡有現圓花費許以小洋紙幣六十元折扣現大洋一圓市井便之

(丁) 度制

全縣通用尺度有三一爲商家沿用之裁尺每尺較工部營造尺約加一寸買賣綢緞呢絨等均用之至窄面大布則用布尺視裁尺大六寸若木工土工及量地等項則均用營造尺尺以十分爲寸寸以十分爲分尺以五進爲步或曰弓以十進爲丈

(戊) 量制

縣境各鎮斗斛大略相同城斗二十八斛五惟桑林子略大一升上下近奉省令各處斗量均歸一致將不日自同矣

(己) 衡制

商家沿用之秤係八六稱以舊東錢八百六十文即制錢一百四十文爲十六兩曰一斤各鎮均不相差至平銀兩則專用牛平每百兩較藩平漲七錢一分許

(五) 禮俗

縣境人心樸實風俗醇厚猶有三代之遺風焉故民人所用禮儀大抵皆沿舊制又且所居之民多由直隸山東而來與直魯民風大同小異觀其婚喪諸禮自見矣

(甲) 節序

本中國舊曆

正月朔日爲元旦日子初設香案於庭陳設祭品向空拜祭謂之接神以次拜

祭門竈諸神畢然後查看曆書出門向福貴喜財諸神方位焚香祭拜謂之迎神村鎮有土地廟者皆往廟內送香此時煮水餃食之名之曰元寶湯黎明時宗族鄰里互相拜謁名曰拜年由元旦至初五日凡所供神位燒香不斷初五日謂之破五侵晨復拜祭諸神俗謂之送神嗣後每日焚香三次至燈節始罷工商無大異但工人多供祖師商人皆供財神而農人則供祖先耳

十五日爲上元節今改爲春節俗稱燈節由十三至十七商民皆懸燈火或奏管絃辦演雜劇如唱秧歌耍龍燈等十五日金吾不禁燈火尤盛遊人雜沓夜半始罷各家皆食湯圓謂之元宵鄉民皆送燈於各處小女子戲迎姑娘

台 安 縣 志 卷三 人事 禮俗

十八

遼寧作新印刷局印

以下休咎

二十四五日爲添倉日農民皆以糧糶作小耒耜盛飯一碗插於碗中置倉廩內焚香祭拜謂之添倉

二月初二日爲龍抬頭日時當驚蟄前後爲龍蛇始振之期各家庭中撒灰道至井沿謂之領龍道

清明三月節節前一日爲寒食節取介之推被焚禁烟之義清明節今爲植樹節家家祭掃塋栽植樹木

五月初五日爲端陽節今爲夏節家家食角黍俗名粽子楚大夫屈原以是日死取以角黍弔屈原之義檐際皆插艾掛紙葫蘆以避邪小兒皆繫彩絲於

腕上謂之百福索早午兩餐開盛宴農人皆休息一日學校亦然

十三日爲關帝會俗謂關帝以是日單刀赴會此日常有雷雨之應故諺語云
大旱不過五月十三然亦有不應者

六月初六日俗謂蟲王生日農民以是日宰牲報饗集村中人民規定看穫青
苗約章

七月七日俗謂銀河會爲牛郎會織女之期烏鵲填橋以渡之

七月十五日爲中元節僧道於此日建醮設祭謂之盂蘭會農人則祭掃墳塋
故又謂之鬼節

八月十五日爲中秋節城鎮鄉曲一例休息兩餐具盛饌晚時陳瓜果月餅於

台安縣志

卷三 人事 禮俗

十九

遼寧作新印刷局印

庭焚香叩拜謂之供月供畢分而食之

雙十節陽曆十月初十日爲民國紀元前一年武昌起義之日即前清宣統三
年八月十九日次年正式政府亦於是日成立故稱爲雙十節凡衙署局所
學校及各機關均一律升旗祝賀放假休息鄉曲小民亦有不甚注意者

九月初九日爲重陽節文人或攜酒登山謂之登高

十月初一日俗稱鬼王節家家祭墳塋焚紙錢謂之送寒衣

冬至日今爲冬節俗以是日屬九一陽初生多檢九筆之字九個初成文理字
畫中空一日填一筆一九填滿一字九九全行填完謂之消寒圖

十二月初八日爲臘月初八日以黍爲粥加以七種米豆共得八種謂之臘八

粥

二十三日俗謂之過小年家家以麥糖辭竈將舊竈撕下用火焚之焚香三拜謂之送竈王上天

三十日爲除夕如遇小建則二十九日爲除日家家焚香致供內外一新門上貼對聯懸神像具盛饌家主率家人在祖先及各神前焚香祭拜謂之辭歲入夕燈燭輝煌香烟繚繞室內男女以水和麪作水餃以俟接神煮食家長分歲錢與卑幼及工人而歲事畢矣

(乙) 婚嫁

男女婚嫁全憑父母之命媒妁之言以門第財產相當者爲合格先由媒人介

台安縣志

卷三 人事 禮俗

二十一

遼寧作新印刷局印

紹兩家妥諧女家先往男家看其屋舍人財以飯爲決定謂之相門戶三五日內男家再往女家相門戶但相其女子而已由此一定雖未下茶過禮亦不得更改嗣後不拘年月男家備布帛簪珥猪酒禮物偕同媒人往女家行定禮是日兩家親屬交杯而飲謂之換盅亦謂之下小茶即古之納彩禮也將欲婚娶之時男家先請術士擇一吉日用一紅帖將男女年庚寫上並何日通信何日過禮何日迎娶用何命忌何命及坐福方向男家一人偕媒人送至女家是謂通信就便商量過大禮屆期男家復備首飾禮物納於女家是爲過大禮即古之納徵禮也及嫁娶之前一日男家備喜車鼓樂燭馬往女家迎新婦新婦至男家候吉時下車紅氈鋪地扶新婦履行其上至堂前設喜桌男女同拜曰拜

天地引新婦至門闕揭蒙面紅帕新婦抱寶瓶入洞房向吉方端坐名曰坐福
喜娘即爲新婦加髻俗名上頭女家設筵款婿謂之管小飯是日男家開盛宴
待來賓親友皆出錢財贈婿家名曰喜儀至夕新婿與新婦飲交杯酒即古合
卺之義次日新婦拜先祖及翁姑及親族尊長名曰分大小即古廟見之禮親
友贈新婦以資名曰拜儀或十日或八日男家用車載夫婦二人往岳家拜謁
謂之回門當日即返此婚禮之大略也

(丙) 喪葬

吾國以父母之喪爲一極大之事至喪禮之繁簡則視家產之貧富而定當父
母疾革時家人爲之具衣冠舁置床上子孫環守之氣絕時以錢納口中以帛

台 安 縣 志

卷三 人事 禮俗

二十一

遼寧作新印刷局印

覆面男停中堂女停內室即古之小斂親人登門限而呼謂之指冥路復用人
攜壺漿子孫隨後向附近土地廟焚香化楮哭而後返俗謂之報廟又用白紙
剪旛立於門前男左女右即日通戚友何日開弔何日發引尋常喪事三四日
居多惟宦家富室則有停放三七五七者吊者至喪主家人皆向客稽顙謂
之行孝次日納屍於棺即古之大斂停柩在堂子孫寢苫枕塊於其側置長明
燈於其前飯一盂每食貯飯少許子孫朝夕哭奠焚化紙箔發引前一日喪家
用畫工製作車馬芻靈等物鼓樂前導送至廟前焚之謂之送行次日黎明起
靈用多人抬靈至坎地喪主持旛前導親朋送葬步隨其後至塋地盡哀焚芻
靈乃葬歸至喪主家乃開宴以饗戚友及抬柩者富貴之家則有誦經點主等

事甚繁非庶民所常有故不具載

(丁) 雜禮

生子親友以豚蹄鷄卵等物相饋謂之下奶彌月時釀金送手鐲長壽牌等項謂之作滿月

年高望重者值初度之日親友贈送壽麪壽聯衣料等物謂之慶壽

築室落成親友送桌椅陳設諸物主人設宴款待謂之賀房

商家開市親友送綾屏喜聯舖主設筵酬謝名爲賀新張

商人及村中有名望者求人起字以便稱呼親友集金送綾屏對相賀主人設席待之名爲賀號

台安縣志

卷二 人事禮俗

二十二

遼寧作新印刷局印

由此處遷至彼處親友備儀往賀藉邀宴飲名曰賀遷喬俗曰燎鍋底